

فيديو #٤٧ من مقاطع حظر التجول تدبر سورة طه #٦١ الآيات:

٧٢١-٣٢١

فاضل سليمان

السلام عليكم ورحمة الله وبركاته اهلا بحضراتكم في المقطع رقم سانية واحدة بسم الله اهلا بحضراتكم في المقطع رقم اربعة وسبعين. من مقاطع حظر التجول والمقطع رقم ستاشر من مقاطع - 00:00:02

تدبر سورة طه يا جماعة احنا بقى لنا اربعة وسبعين يوم. بنتدبر القرآن كل يوم بفضل الله تعالى. الحمد لله. احب افكر حضراتكم بالمصاحف ادي اول حاجة كل واحد يكون معه مصحف ما عكش مصحف بسرعة قم هات مصحف اهو ابقي اتعيل يجيب لك مصحف. بس لازم يكون معك مصحف النهاردة بالزات - 00:00:30

زي كل يوم هو كل مرة لازم الامر الثاني بكرة بازن الله هنخلص تدبر سورة طه. وهنبدأ من بعد بكرة تدبر سورة الكهف والرسول صلى الله عليه وسلم خير لك ان يبقى عندك كل الجمال الحمرا اللي في الدنيا - 00:00:52

هو الواحد بيعمل ايه بالجمال الحمرا ؟ الجمال الحمرا وقتها كانت هي اشييك وسيلة مواصلات. يعني مسلا ايه لامبورجيني حمرا ان انت ربنا يهدى بك بني ادم واحد خير لك من ان يكون عندك كل اللامبورجينيز الحمرا اللي في الدنيا - 00:01:10

الناس هتقبل على الدروس دي بسبب انها تدبر سورة الكهف. فانت لما تيجي بقى تكلم اصحابك وتحط على الواتساب وتقول لهم يا جماعة من بعد بكرة هنبدأ سورة الكهف ما تفوتوهاش - 00:01:27

تعالوا نبدأ من الاول الناس هتيجي بازن الله انا متوقع الزيادة في المتابعين في سورة الكهف. بس المهم احنا اليومين دول ننشر وسط الناس انهم بيجروا ويبدأوا معنا من اولها - 00:01:37

طيب وفرصة ان انا ايه آآ يعني نقول لهم برضه على مفاتيح التدبر يبدأوا يتفرجوا عليها اليومين دول على ما آآ على ما تبدأ سورة الكهف بعد بكرة. طيب قلت لكم تناموا الضرر النهاردة حطيت لكم على التويتر وعلى الفيسbook. لأن الدرس النهاردة محتاج تركيز. مش طويل لكن محتاج تركيز - 00:01:48

امبارح احنا تدبرنا قصة عصيابن ادم وتبنته بسرعة في الاية مية واحد وعشرين ومية اتنين وعشرين. اقرأ معي كده اخر تلات كلمات في الاية مية واحد وعشرين ونزر نكمل مية اتنين وعشرين. واعوذ بالله السميع العليم من الشيطان الرجيم. مية واحد وعشرين طه. وعصى ادم ربها فغوى - 00:02:08

ثم اجياباه ربها فتاب عليه وهدى وتدبرناها امبارح لكن عاوزكم تتعاملوا مع ادم على ان هو ممثلكم في القرآن الكريم ادم بيمثلنا كلنا ذكور واناث في سورة الاعراف آآ الاية حداشر ولقد خلقناكم كلنا - 00:02:28

ثم فورناكم كلنا ثم قلنا للملائكة اسجدوا لادم فسجدوا. ادم بيمثلنا. المسألة خطيرة جدا. ادم تعامل معه دايما على ان هو انت او هو انت كمان على هذا الاساس نتعامل مع قصة ادم. طبعا كل قصة في القرآن مهمة - 00:02:51

وقصص القرآن مهم لانه بناخد منه دروس وعبر الا قصة ادم قصته هي اهم قصة في القرآن لانها مش بناخد منها دروس وعبر. ده هي بتضع حجر الاساس لحياتنا قصة ادم في القرآن هي قصتي وقصة كل واحد في حضراتكم - 00:03:14

لكن ده احنا هنتدبر القصة دي بعدين ان شاء الله لما لما نيجي لها بعدين في في سورة البقرة ان شاء الله. لكن اللي يهمنا هنا في سورة طه مسألة النزول الى الارض - 00:03:37

اقرأ بقى معي هنبدأ النهاردة من الاية مية ثلاثة وعشرين قال اهبطوا منها جميعا. بعضكم لبعض عدو. فاما يأتيكم مني هدى فمن اتبع هداي فلا يضل ولا يشقى ربنا اهبط ادم وزوجته حواء والشيطان الى الارض. وقال لهم بعضكم لبعض عدو. يعني ذرية ادم وحواء -

00:03:50

اللي هم بنى ادم هيبقو اعداء للشياطين ذرية ابليس الشياطين انس وجن السؤال هو مش ادم وحواء تابه واحدنا امبارح صيغة التوبة اللي ربنا اعطتها لهم عشان يستخدموها. قال ربنا ظلمنا انفسنا وان لم تغفر لنا - 00:04:19

ارحمنا لا نكون من الخاسرين. وقلنا ان التوبة فيها نقد للذات واعتراف بالذنب. تم طلب المغفرة وفي الاية مية اتنين وعشرين في سورة طه. بضم معه اللي احنا لسه قاريبتها من شوية. ثم اجتباه ربها فتاب عليه وهدى. خلاص - 00:04:44

تابعة ليه؟ بيتتعاقب ليه بيتخرج من الجنة ليه ده سؤال مهم جدا ادم وحواء تابوا يتتعاقبوا ليه؟ وبينزلوا على الارض ليه؟ ويخرجوا من الجنة ليه السؤال ده من اروع الاسئلة الوجودية بتاعتنا - 00:05:02

اولا ادم مش بيتتعاقب العقوبة هي الطرد من الجنة هو ادم وحواء مطرودين من الجنة لا امال ايه هل ادم ممنوع دخوله الجنة؟ لا مين قال كده عدم وحواء رايحين مشوار وراجعين تاني الجنة - 00:05:20

يعني ايه ادم وزرية ادم هيدخلوا الجنة تاني لكن في مهمه في بلد اسمها الارض رايحين يؤدوا هزه المهمه. ويرجعوا جنة بعد ما يعرفوا قيمة الجنة الا ان سلعة الله غالبة. الا ان سلعة الله غالبة غالبة. الا ان سلعة الله الجنة. ده حديث صحيح - 00:05:39

ادم يا جماعة اصلا مخلوق للارض مخلوق علشان يعمر الارض. ربنا سبحانه وتعالى بيقول في سورة البقرة الاية تلاتين واذ قال ربكم للملائكة اني جاعل في الارض خليفة فربنا خلقه للارض واحبر الملائكة انه خلقه للارض - 00:06:04

رايح يعمر الارض في صورة هود اللي احنا لسه واحد وادينها الاية واحد وستين والى ثمود اخاهم صالح. قال يا قومي اعبدوا الله ما لكم من الله غيره. ايه بقى هو انشاكم من الارض واستعمراكم فيها - 00:06:27

انت مهمتك انك تعمر الارض. فالانسان مخلوق للارض بيعيش فيها بقى سبعين سنة تمانين سنة تسعين سنة ميت سنة بيبجي بعد كده على الجنة او على النار بقى في الاخرة ويستقر - 00:06:45

خلاص؟ فالاستقرار في الاخرة مش في الدنيا. الدنيا دي حاجة مؤقتة. لكن هو مخلوق عشان بيجي يعمر الارض ثم يعود الى الجنة. لو كانت عقوبة وربنا لم التوبة كانوا طردوا من الجنة. لكن هم مش مطرودين من الجنة - 00:06:59

هم راحوا مشوار وراجعين تاني الله سبحانه وتعالى يا جماعة له اسماء وله صفات هو متصف بها بنا او بدوننا هو متصف بها لكنه يحب ان تظهر اثار هذه الاسماء علينا - 00:07:13

هديك مسال مثلا نقول بقى ناخد اسم مسلا طارق اهو صاحبي اللي اسمه ده. اول واحد دخل النهاردة حبيبي طارق كمال طارق كمان راجل كريم لكن علشان التباعد الاجتماعي اللي احنا فيه دلوقتي ومحاولات احتواء فيروس كورونا - 00:07:31

ما فيش ضيوف دخلوا بيت طارق بقى لهم اربع شهور هذا لا يقل من كرم طارق. طارق راجل كريم. جا له ضيوف او ما جالوش هو متصل بالكرم. فده لا يؤثر فيه - 00:07:52

لكن عشان طارق راجل كريم يحب ان يرى اثار كرمه في حب ان يأتي الى بيته ضيوف ولله المثل الاعلى. الله غفور. والله رحيم لذلك قال النبي صلى الله عليه وسلم لو لم تذنبوا - 00:08:05

لجا لذهب الله بكم وجاء بقوم يذنبون فيستغفرون فيغفر لهم. الله يحب ان يغفر. الله اللهم انك عفو تحب العفو فاعف عن عشان ربنا عفو يحب ان يعفو عن عن يعفو. يحب ان يغفر يحب ان يرحم - 00:08:25

تمام؟ فنزل ادم وحواء على الارض وتكاثر بنى ادم يجعل اثار اسماء الله وصفاته تظهر على ارض الواقع. لكن الله نفسه لا يتأثر الله نفسه ومتصف بها. بنا او بدوننا - 00:08:48

تمام مسلا ان الله يحب التوابين ويحب المتظاهرين. ان الله يحب الذين يقاتلون في سبيله صفا. دي كلها صفات لله متصف بها بها. بدون وجودنا. لكن اثارها بتظهر بوجودنا نخطئ ونتوب فيتوب علينا. نخطئ ونستغفر فيغفر لنا - 00:09:06

ويحبنا. ما هو قال ان الله يحب التوابين. ون Jihad في سبيل الله فيحبون ان الله يحب الذين يقاتلون في سبيله صفا فهمتم؟ طيب.

ادم وحواء لم يأتوا الارض كعقوبة. ولكن كعاقبة - 00:09:31

ربنا خلقهم للارض اصلا. ولكن بحكمة ربنا جعل نزولهم على الارض عاقبة للمعصية. حتى يعلم الانسان ان لكل فعل عواقب وان هذه هي سنة الله في الحياة. كل شيء بتعمله له عواقب - 00:09:48

دي سنة اللفح. حتى لو مش بتعاقب عليه. لكن العواقب لازم تحصل الكلام ده مهم جدا ليه؟ لأن فيه فلسفة الاسلام انت
ليه ما قلت لكم تناوموا الضهر النهاردة وتبقوا فايقين الليلة - 00:10:09

طيب هو ليه ربنا خلى ادم وحواء يتقابلوا في الجنة طب ليه ما تقابلوش في الارض مسلا حيث اشرح الموضوع ده من عشرين سنة
في مسجد في امريكا. فجابت ولد - 00:10:26

انا عارف ولا دين انا عارفهم وعارف اهلهم كويس ولد منهم اديته الميكروفون وقلت له قل للناس انت ايه سؤال آآ انا صومالي ايام
صوماليين والولد الثاني قال لي انا ميكسيكان. مكسيكي - 00:10:46

انا عارف اهاليهم جبت ابو الولد ده وقلت له ابنك مولود فين؟ قال لي هنا في واشنطن ديسي هو انت ابنك مولود فين؟ قال لي
فلوس انجلوس. برضه في امريكا - 00:11:09

جبت الولدين تاني! انت يا ابني ليه قلت انك صومالي! وانت ليه قلت ان انت مكسيكي كل واحد فيهم قال لي لانها بلد ابويها وامي
فكل واحد فينا بيبنسبة نفسه - 00:11:23

للبلد اللي منها ابوه وامه ما انا اقول لك انا بورسعيدي لكن انا اصلا مولود في القاهرة الفلاح بس انا مولود في القاهرة. بس لأن ابويها
وامي من الفلاحين او من الصعيد او ايا كان بنسب نفسي لابويها وامي - 00:11:37

لما يبقى ابونا وامنا من الجنة يبقى الرسالة الداخلية اللي جوانا هي ايه ان دي مش بلدنا كوكب الارض ده مش بلدنا احنا بلدنا هناك
جايين هنا دلوقتي بكوكب الارض لانه ادي مهمة ثم نعود الى بلدنا موطننا الاصلي - 00:11:54

خلاص؟ طيب نرجع للاية مية ثلاثة وعشرين قال اهبطوا منها جميعا. بعضكم لبعض عدو فاما يأتينكم مني هدى فهن اتبع هداه فلا
يضل ولا يشقى. نزامكم في الارض ان انتم بني ادم والشياطين هتبقو اعداء لبعض - 00:12:18

وسيأتك من هدى رسل كتب وهدایة العقل. هدى برضو من عند ربنا بمجرد ان انت تعمل عقلك وتصل لوجود الخالق وتصل لصفات
اساسية من صفات الخالق هذا كله ممكن بالعقل فقط - 00:12:42

والكتب والرسل لاعطائهم مزيد من تفاصيل العلاقة بينك وبين الله وتفاصيل الدين فالله هيتابع هدایة الله ولا يكذب الرسل ولا يكذب
الكتب. ولا يخالف المبادئ العقلية الأساسية فلا يضل ولا يشقى. طبقا للاية مية ثلاثة وعشرين فمن اتبع هدایي فلا يضل ولا يشقى -
00:13:01

يعني ايه؟ يعني لا يضل في الدنيا ولا يشقى في الآخرة لكن الدنيا فيها شقى وفيها تعاب وفيها معاناة لا مفر منها النبي صلى الله عليه
وسلم كان يدعو الله اللهم ارزقني من اليقين ما تهون به علي مصابي الدنيا. ولم يدعو الله اللهم ارزقني - 00:13:30

بدون مصابي ان ما فيش دنيا بدون مصابي. دي تبقى جنة ما تباقاش دنيا تمام دي طبيعة الدنيا لا يضل في الدنيا. ولا يشقى في
الآخرة. اذا من يتبع هدى الله - 00:13:50

ان يضل في الدنيا ولن يشقى في الآخرة وهيرجع على الجنة بقى طيب اللي هيتابع هدى الله لن يضل في الدنيا ولن يشقى في
الآخرة. طب واللي مش هيتابع هدى الله هيحصل له ايه - 00:14:06

قبل ما تفتح بقك وتسأل السؤال مية اربعة وعشرين جاية بتقرأك. ومن اعرض عن ذكري فان له معيشة ضنك ونحشر يوم القيمة
اعمى. اللي يعرض عن ذكر الله فان له معيشة ضنك في الدنيا. هيعيش عيشة ضنك - 00:14:18

طبعا فيه ناس هنعتررض عيشة ضنك ايه! ما فيه كفار وناس معرضة تماما عن عبادة الله. وعن ذكر الله وشافيفينهم بيعحتفلوا
وبيرقصوا ومبسوطين مبسوطين جدا تعال اتفرج هنا الجماعة بيعملوا بقى البرايت ده بتاع الشواز في الشارع وبيرقصوا وبيتنططوا

مبسوطين بك؟ مبسوتين جدا فبيطلعوا من الحفلة يرموا نفسهم على قضبان القطر او يرموا نفسهم من balconies. مبسوتين جدا مين اللي فاكر ان الناس دي مبسوتين جدا بجد سازج اتفرجوا على حلقة اسمها مليونيرات ولكن - 00:15:04

كانت في ذكرى وعبرة الموسم الثالث. السنة اللي فاتت مش السنة دي اللي قبلها وهحطها لكم ان شاء الله في الرابط. هحط لكم الرابط بتاعها في الفيسبوك وفي اليوتيوب يا جماعة يا بتوع اليوتيوب الجمال انت. خلاص - 00:15:26

في الحلقة دي انا جبت اتنين من مليونيرات بريطانيا مش مليونير يعني عنده مليون. لأه. مليونير يعني بيكسب مليون في الشهر. مش بنهز احنا ده واحد عنده خمسة وتلاتين سنة شاب وسيم جدا - 00:15:41

صحته كويسة جدا متزوج زوجة جميلة عنده طفلين جمال كل وقصر رهيب واتنين كسر. برضو مليونير انجليزي شاب وصاحب صديق للامير تشاونز. وبطل آآ انجلترا في ركوب الخيل. حاجة يعني فزيعة جدا - 00:16:01

وانا جايب قصتهم ضرب نفسه بالثار قبل حفلة الكريسماس اللي عاملها عنده واصحابه في الطريق يعني اصحابه في الطريق وراح ضرب نفسه بالثار عشان بيتجوا يلاقوه ميت كان عامل حفلة وجايب اكبر طباخ في انجلترا. في القصر بتاعه وراح ضارب نفسه بالثار والثاني آآ بتاع ده آآ بول كاسل - 00:16:20

اه رمي نفسه قدام على قضبان القطر والقطر داخل محطة بون ستريت اللي في لندن ليه يعني؟ طب ليه ما رماش نفسه من balconies؟ هو اللي رمي نفسه من balconies ممكن يقع يتكسر ويعيش مشلول طول عمره عشان ما ييقاش هو عايز يتتأكد ان ما فيش فرصة انه يعيش - 00:16:45

ليه كده اليك كان ناقصهم عشان يعيشوا سعداء للمال ناقص ولا الشباب ناقص ولا الصحة ناقصة ده ده يعني كل واحد مننا نفسه يعني نفسه بس يفهم الناس دي بتعمل كده ليه - 00:17:04

ايه بقى السعادة سعداء مش سعداء مش مبسوتين زي ما انت فاهمين. ليه؟ تعالوا نفهم بقى الانسان عبارة عن ايه كل واحد فينا كده اسمه نفس. نفس. كل نفس عبارة عن من الروح والجسد - 00:17:22

اتحاد بين الجزء المحسوس الجسد والجزء الغير مرئي والغير محسوس من الانسان اللي هو الروح يخرج فيها المشاعر والقلب وكل ده ايه فيهم اهم؟ جسمي اهم ولا روحي اهم؟ انا لو اتقطعت ايدي كده دلوقتي. هافضل فاضل سليمان وممكن جدا اطلع افضل ده ادي درس التدبر اليوم - 00:17:42

لو رجلي اتقطعت برضو هفضل اطلع اعيد التدبر اليوم زي ايام سواعد الاخاء ولا خسيت زي دلوقتي هفضل فاضل سليمان. جسمي يفضل يتغير وانا فاضل سليمان. لكن روحي لو طلعت - 00:18:08

وقتي هتفضلو باصين هتحفروا حفرة وتحطوني فيها وتردموا علي ليه؟ ما انا فضلت ده انتمش فاضيين امال ده ايه ده! لا ده جثة سليمان. فاضل سليمان طلع خلاص خرج - 00:18:22

ازا الروح اهم حاجة. الروح اهم من الجسد طب مشكلتنا ايه؟ مشكلتنا ان احنا طول الوقت بنهتم باللي مش مهم. بنهتم بالجسد. بنطفح فيه ونأكل فيه ونشرب فيه وننضم فيه - 00:18:40

صرح فيه وندلع فيه. ولما يمرض نداويه الاهتمام كله بالجسد. لكن الروح تحتاج غذاء ما نديش. تحتاج دواء ما نديش. تحتاج راحة ما نريجهاش لما بنهمل الروح الجسد بيقوى ما احنا مهتمين به. فالجسد عمال يقوى وله طلبات. الطلبات اسمها الشهوات. والروح عاملة تضعف - 00:18:54

فالجسد بيسيطر على النفس. النفس كأنها سيارة. عربية ماشية. الجسد بيسوق بشهواته بيسوق والروح ضعيفة يبقى اسمها نفس قمارة بالسوء عربية طالعة بسرعة جدا وما فيش فيها فرامل وغالبا هتبليس في شجرة - 00:19:21

نفس امارة بالسوء لان الروح ضعيفة والجسد هو اللي سايق بشهواته لو الجسد قوي بس الروح كمان قوية يعني لو غذينا الروح واديناها الادوية المطلوبة وريحناها الراحة المطلوبة الروح كمان هتقوى - 00:19:42

وتقوم مدية الجسد كتف وتقوم واحدة الدركسيون وتسوق هي النفس بقى اسمها نفس لوامة الجسد ييجي يطلب فيها شهوة من الشهوات فالروح تلومه لأ ده مش دلوقتي. ده بعدين ده لما تتجوز - 00:20:08

اه لان احنا مش هنعصى ربنا. اه مم طب انا عايز اشتري ده. لأ مش دلوقتي ده اما تشتغل وتجيب فلوس لكن مش هنسرق فالروح لما تسيطر هي بتبقى اسمها نفس لوامة. طيب لو الروح قويت جدا جدا جذا وسيطرت تماما واصبح - 00:20:32

الجسد بشهواته منقاد ومستسلم تماما للروح القوية. بقى اسمها نفس مطمئنة تمام؟ اللهم اجعل نفوسنا جميعا مطمئنة. طيب ما هو غذاء الروح ودواء الروح وراحة الروح روح مين نفخها فينا - 00:20:51

ربنا سبحانه وتعالى هو اللي نفخ الروح فينا بالتالي هي طريقة التواصل الوحيدة بالله سبحانه وتعالى ربنا لا بنشووفه ولا بنسمعه ولا نقدر نلمسه ما نقدر نتعامل مع الله سبحانه وتعالى - 00:21:12

آآ بالحواس الخمسة اما بنتتواصل مع الله ازاي بالوسائل الروحية بالذكر بالدعاء بالمناجاة بالصلة بخشوع بتدبر القرآن هو ده اللي هو ايه بقى؟ اتعامل مع الله طريق الروح هو ده غذاء الروح - 00:21:28

ودواء الروح هو ذكر الله انك تتواصل مع الله. لكن لو انت قطعت علاقتك بربنا. قطعت التواصل مع ربنا يبقى انت عملت انت لاجنج لنفسك انت شديت الفيشة ما بقاش فيك طاقة. وبقى الجسد سايق وهيلبس في الحيطه او هيلبس في شجرة وما فيش فرامل - 00:21:50

فالحل هنا هو ده المليونرات بقى اللي احنا بنشووفهم دول مش ناقصهم حاجة وبنستغرب لما بيتحروا هم في الحقيقة ينقصهم اهم حاجة في الدنيا وهو ذكر الله. ارجع معي تاني بقى للاية مية اربعة وعشرين - 00:22:11

ومن اعرض عن ذكري فان له معيشة ضنك انتم يعني يعني ايه ضنك؟ ضنك ضنك غني وبيرقض وبيشرب. لكن عايش عيشة ضنك لان روحه مش مستريحة بتبلبل ونحشره ده العيشة باكده في الدنيا. ونحشره يوم القيمة اعمى. هييجي يوم القيمة اعمى. انت متخيلين يوم طويل طوله خمسين الف - 00:22:26

الف سنة والشمس قريبة من الرؤوس والناس بتغرق في عرقها وبتموت بعضها في بعض من الزحام والحر وكمان يبقى الواحد مش شايف طب ده الضرير في الدنيا بيجد حد يساعد - 00:22:58

ياخد بایده لكن في الآخرة يوم يفر المرء من أخيه وامه وابيه وصاحبته وبنيه لكل امرى منهم يومئذ من شأنه يغنيه. فلما يبقى كل واعي لو يبقى فيه حد جاي اعمى يومها - 00:23:12

ابنه مش هيأخذ بایده. امه مش هتاخذ بایده. ابوه مش هيأخذ بایده ما فيش حد هييساعد حد انا اسف لو حد لا قدر الله مننا حشر اعمى هتبقي مصيبة سودا - 00:23:27

اقرأ معي بقى مية خمسة وعشرين طب هو اتحشر اعمى؟ فيسأل قال ربى لما حشرتني اعمى وقد كنت بصيرا؟ هو مش الانسان بيحشر على ما مات عليه؟ طب انا في الدنيا - 00:23:46

كنت باشوف ليه حشرتني يا اعمى الرد مية ستة وعشرين. قال كذلك اتكل اياتنا فنسيتها وكذلك اليوم تنسي. لا. ان عميت نفسك في الدنيا عن ايات الله انا ارسلت لك نور وهو ايات الله - 00:23:58

ايات القرآن الذكر لتهديك في الدنيا وانت نسيتها يعني اهملتها. يعني انت عميت نفسك ودلوقتي بقى مش انت اهملتها وكذلك اليوم تنسي ستهمل. خليك اقعد نادي كده يا رب انا عايز اشوف انت مهم. تبقى مهم - 00:24:22

ربنا يجيرنا واياكم من هذا والله معايا؟ مية سبعة وعشرين خلاص اخر اية بقى النهاردة وكذلك نجزي من اسرف ولم يؤمن بآيات ربه ولعذاب الآخرة اشد وابقى ده هيكون جزاء اللي يسرف في اموره ويتجاوز الحد ويکفر بآيات الله. وكذلك نجزي من اسرف ولم يؤمن بآياته - 00:24:45

ده عقابه في الآخرة صح؟ اه اسمع باقي الایة ولعذاب الآخرة اشد وابقى. ايه ده امال احنا كنا بنتكلم في ايه؟ بنتكلم في عذاب الآخرة ازا كان كل ده هو عذاب الآخرة ليه ربنا بعدها يقول لنا ولعذاب الآخرة اشد وابقى. او مال احنا بنتكلم في ايه - 00:25:12

بص بقى وركز معى في بلاغة القرآن وجمال القرآن من وسائل التدبر انك تفك فى الوقفات لأن القرآن ما فيش فيه فصلة ولا فيش فيه نقطة في آخر السطر ولا فيه علامة استفهام - 00:25:30

انت يجب عليك انك تفك وتكلم تكمل قراءة امته وتقف امته علشان تكون معنى. حاجة في منتهى مش قلت لكم قبل كده من وسائل التدبر تبص على آآ الصمائر. مين بيكلم مين - 00:25:49

وتبع على الازمنة انت في اي زمن دلوقتي وزي القرآن بيجييك فلاش فورد فلاش باكورد من وسائل التدبر الجميلة جدا انك تفك في الوقفات. بص بقى هنقرا مع بعض دلوقتي الآيات اللي تدبرناها النهاردة مية ثلاثة وعشرين ومية اربعة وعشرين ومية خمسة وعشرين ومية وعشرين مية سبعة وعشرين. ونشوف هنقسمهم ازاي عشان - 00:26:04

نقرا مع بعض مية ثلاثة وعشرين مع بعض قال اهبط منها جمبيعا. بعضكم لبعض عدو فاما يأتينكم مني هدى فمن اتبع هدای فلا يضل ولا يشقى. ومن اعرض عن ذكري فان له معيشة ضنكى. ده في الدنيا. ونحضره يوم القيمة اعمى. قال - 00:26:25
لما حشرتني اعمى وقد كنت بصيرا؟ قال كذلك انتك اياتنا فنسيتها، وكذلك اليوم تنسى. وكذلك نجزي من اسرف ولم يؤمن بآيات ربه بس خلاص خلاص الموضوع على كده امال ايه بقى ولا عذاب الآخرة اشد وابقى. دي معطوفة على ومن اعرض عن ذكري فان له - 00:26:50

معيشة ضنكى اللي في الآية مية اربعة وعشرين يعني ترتيبها في المعنى كده وانت بتقرأ مية اربعة وعشرين ومن اعرض عن ذكري فان له معيشة ضنكى ولا عذاب الآخرة اشد وابقى - 00:27:13

ازاي عذاب الآخرة اشد وابقى ایحشر يوم القيمة اعمى وهكذا. ويقول بقى ربى لما حشرتني اعمى. لكن والعذاب الآخرة اشد وابقى معطوفة على من اعرض عن ذكري فان له معيشة ضنك يبقى معيشة ضنك فى الدنيا والآخرة عذاب اشد. ثم ربنا عمل تقديم - 00:27:30

آآ لمسألة الحشر آآ اعمى في الآخرة وقدمها باننا نحضره يوم القيمة اعمى. قال ربى لما حشرتني اعمى وقد كنت وهكذا فهمتم موقع والعذاب الآخرة آآ آآ اشد وابقى. طيب. درس النهاردة ده مهم جدا وما تخافش لو انت ما كنتش قادر تتركز فيه كله - 00:27:53
انصح انك تشاهده مرة اخرى درس النهاردة مهم جدا في فلسفة الاسلام في اشياء كثيرة جدا خلاص تتفرج على الدرس ده تاني النهاردة او بكرة مش مشكلة ایوة براحتك لكن الدرس ده محتاجين تتفرج عليه تاني. خلاص - 00:28:15

آآ بكرة بازن الله هيكون اخر صورة طه. ونبأ من بعد بكرة بازن الله سورة الكهف. احشدوا الناس لسورة الكهف. الناس هتحضر عشان سورة الكهف وعايزين يفهموها هتبقى فرصة ان شاء الله ان الناس تقبل على الخير على ايديكم. وجزاكم الله خيرا. واسأل الله العلي العظيم ان يجعل هذا التدبر في ميزان حسناته وحسناتكم. اللهم - 00:28:33

انك تعلم ان هذه القلوب قد اجتمعت على كتابك واجتمعت على محبتك. والتقت يا ربنا على طاعتكم وتوحدت على دعوتك وتعاهدت على نصرة شريعتك فوثق الله رابطتها وادم ودها واهدها سبلاها - 00:28:55
واملاها بنورك الذي لا يخبو واشرح صدورها بفيض الایمان بك وجميل التوكل عليك واحيالها بمعرفتك. وامتها يا ربنا على الشهادة في سبيلك انك نعم المولى ونعم النصير. والسلام عليكم ورحمة الله - 00:29:13
ونراكم بازن الله غدا ان كنا من اهل الدنيا - 00:29:30